

四庫全書

集部

欽定四庫全書

集部  
桂隱詩集卷四

詳校官中書臣閔思毅

侍讀臣孫球覆勘

總校官進士臣朱鈺

校對官中書臣王鍾泰

謄錄監生臣

劉田

欽定四庫全書

桂隱詩集卷四

元 劉詵 撰

律詩 七言

和彭贊府琦初新歲陪拜黃堂之什二首

九州八極共年華未覺天顏萬里賒  
雉扇排春塔立筭 猊煙泛曉燭生花  
侯藩勢重嘶千騎 仙樂聲高進九霞  
懸想故人袍帶冷 頗輸高卧屬儂家

金竹峯前共歲華 新詩同賦酒同賒  
君如老柳春先綠

我似寒梅臘未花晴日市眉行却月暖風容臉上流霞  
小桃忽露墻東萼春色寧遺陋巷家

和友人牡丹

紅紫爭推一翦新世間顏色直須真曉風低擁霞窠重  
晴日濃熏霧氣春富貴自應高一世風流原不屬陳人  
從今宴賞多賓客來往門前櫪馬馴

壽仲允誠翁

八月十日

故園兄弟昔成雲大耐如君七十春明月欲圓猶五日

白頭相聚偶三人課書要壽傳家脉止酒能安不病身  
寄語諸孫須用世不妨巖谷老遺民

和彭琦初見壽

丙寅

陋巷秋風處士家回思千劫等炊沙少年曾似三眠柳  
老去羞看一日花白髮夜深燈館字蒲團日晏地壚茶  
故人賸作飛騰祝試聽漁陽一摻撾

和曹正中見壽

卜筮從誰問歷家命途難合笑搏沙陳人我似三年艾

冲氣君如二月花  
奮迅終題司馬柱  
清貧且共玉川茶  
明年須買東風馬  
行遍長安不用撾

和張漢英見壽

吾里文章小晏家  
才情欲學賈長沙  
妙書鴻戲秋江水  
佳句風行曉苑花  
富貴未來歌扣角  
畸窮相對賦煎茶  
芳年京國蜚騰近  
預想春車墮馬撾

旦日試筆二首

爐烟燭影共徘徊  
手試春風第一盃  
萬里星辰環極共

五更鼓角挾春來，凌寒柳意如先動。  
閱歲梅花不受催，坐久不知天向曙。  
出門爆竹發驚雷。

老來節意重徘徊，小桼猶橫隔歲盃。  
得句定知春早覺，開門喜報客頻來。  
江山萬古晴陰老，花柳千林雨露催。  
郡國升平人自樂，城頭畫鼓響輕雷。

春日酬友人

閱世情懷雜喜悲，未須此意語羣兒。  
故人每見逾相憶，白髮無情不肯遲。  
楊柳未高春尚弱，海棠欲動雨先知。

晴江浮舫鯨魚美乘興相過會有時

和劉道淵

小巷柴門剝啄聲齋爐相對得詩盟春寒未了花開落  
山雨頻來窗晦明我自一經成皓首君方萬里起修名  
人間變化知何據危坐東風看馬程

和彭庭發

捲簾危坐似枯株微雨羣峯半有無山墓烏啼寒食近  
人家花落暮煙孤病辭美酒空佳節老憶東風識故吾



為問隣春餘幾許嫩黃一寸長園蔬

再用前韻酬周景叔

晴催紅綠滿高株賞勝閒情未肯無燕子樓臺人影瘦  
海棠池館月痕孤酒闌已悟春為客意樂何須土是吾  
夜久茶餅號渴蚓水壺偏憶甕頭蔬

和王如隱遊劉氏小園有感

曾向園亭醉吐茵重遊滿眼已無春江山慣閱人今古  
花柳何知主富貧梅雨颯窻朝夢熟蒲風到酒暮寒新

向來談笑俱成幻，世事真成肘屈伸。

和友人宴王氏士敬新居

論字吟詩似晉唐，兩窓南北誦聲長。  
樓臺燕子踈踈雨，院落桃花短短牆。  
羅扇迎風人入畫，朱簾望月夜生香。  
詩情老退難描寫，獺髓誰能學補妝。

謁楊誠齋祠墓

溪水南來合兩津，小蓬洲渚尚橫陳。  
祠門遺像凝塵網，墓道駢兵卧石麟。  
園墅亂畦耕落日，子孫殘屋雜編民。  
鄉

邦名節嗟何及每過長途淚滿巾

所居江中立亭號小蓬萊

和蕭孚有閒居即事

庚子

二月客愁如蝟駝市頭酒薄無奈何  
桃花浪起春風濶  
燕子寒生社雨多  
畏見餓夫蒙敗袂  
斷無遊女試輕羅  
傳聞進士御唐殿  
尚要力田回漢科

南隣楊二居士邀飲二首

庚午

故人南麓楊居士  
薄暮邀客分清罇  
百年隣里髮俱白  
異代衣冠我獨存

坐間惟吾冠巾

鳥斷空山孤樹悄  
馬嘶小驛

一燈昏先朝文體浮雲變二仲能來可細論

故園不見經年久花竹手栽能半成雪後山林經浩劫

歎餘者稚賀重生談經揚子今誰似能賦相如漫有名

後世有人尋遊跡祇應指點麓山橫

故居吉文南嶺麓角山下

送劉巨川赴惠州海豐巡檢

太博之孫

須溪孫子好才名百丈龍山繞屋春文學盡交天下士  
弓刀更治嶺南民盾頭墨濕長亭雪扇外旗麾列嶂塵  
若見羅浮花爛漫可能遠寄一枝新

和蕭孚有霽雪

磊磊天河萬玉漚朔風吹散不成毬羣仙整整駕鳴珂動  
六合為盤放汞流少婦凝妝疑可飾飢人夢飽誤消愁  
若教天巧如人力應費滕神幾刻鏤

庚午上元雨陪學翁兄飲

元夕相看白髮兄燈花應笑兩無成村醪薄薄客三五  
踈雨瀟瀟漏幾更老境情懷多舊感荒年市井少歡聲  
興來欲聽祈賓喚門巷成泥懶復行

再和上元韻答彭琦初

平生相視只殷兄文字江河落筆成  
時序百年樽酒在風霜萬里鬢毛更  
交游依約青燈夢豪傑消磨畫角聲  
見說教坊歌盡變無誰能記落梅行

節後數夕再和

少日燈窗共弟兄鼎丹九轉待仙成  
文窮敢信辭章好身老偏驚節序更  
曠埜星河浮夜氣高城鐘鼓入春聲  
若為勝日能無事共對梅花酒幾行

閒居即事

庚午

小窗拄頰看雲過，不斷東風吹鬢皤。  
松古何知春至早，花濃偏值雨來多。  
已安薄相食無肉，更覺衰顏酒不醅。  
無力能為移粟政，有愁自賦採薇歌。

和蕭孚有新年二首

賀歲千門懷刺漫，吟詩一室硯池乾。  
燈期五日如此雨，花信新年第一寒。  
里巷浮沉逢酒飲，江湖瓠落出門難。  
故人賴有蕭公子，肯共過從散恨端。

閉門十日雨漫漫詩思焦枯酒盞乾  
杜若水生江舫集  
海棠風起郡齋寒  
十年競轉青春易  
百藥重回白髮難  
知子頗憂天下事  
可能叅錯立朝端

彭琦初用坡翁紙帳韻惠建昌紙衾次韻二首  
為謝

雪綿揉碎密縈連  
清卧梅花性更便  
茸煖何須蠻客帳  
座寒但少廣文氈  
窗升紅日那知曉  
夢壓白雲疑近天  
但恐少陵茅屋漏  
雨宵沾破不成眠



盱溪水暖楮藤連練作雲衾與老便補幅全勝羊續布  
裹身疑是鄧侯氈温欺臬絮娛霜夜潔與梅花共雪天  
要識故人投贈意可貪一暖但高眠

和彭琦初元日盱江見寄

木德行春史告迎高花細柳動江城麗譙鼓角中天曉  
黃道星辰萬里明短褐空懷風雪敝老節慣閱歲年更  
灌園且飽皇天賜肯事錢神喚作兄

交道平生雷與陳相看歲晚掇皮真江湖宦客孤舟夜

金夕四序全言  
卷四  
城郭詩翁白髮春雪塞得晴翔去鴈冰池猶凍困潛鱗  
須教授老相還往倘有清尊便不貧

琦初追和余去年上元韻再和為謝

梅老今為萬卉兄皇天又辨四時成年華不染鬚千戟  
春氣先歸鼓五更世與豪英來不盡物隨造化運無聲  
人生得失非真是倘共花時載酒行

中秋和蕭孚有二首

早雲捲盡昨宵陰節物偏共酒盞深病骨怯風難久坐

衰年見月易傷心  
金螺水落千峰笛  
白鷺城高萬戶砧  
頗憶五羊臺上客  
頻從驛使寄新吟

萬里青天無寸陰  
酒闌秋氣入衣深  
百年晴晦中秋月  
四海悲歡此夜心  
佳節有情惟藉酒  
孤踪多感更聞砧  
文章政要追周雅  
底用欵歔學越吟

中秋和學翁兄

七十老兄生理浮  
未寒先試木棉裘  
管絃四海華筵月  
鐘鼓半山僧寺秋

其年學耐  
偶寓僧舍

醉裏一樽歌浩浩  
老經百

事歎休休故人相棄誰來往惟有殷勤白髮留

南山故居偶成

南山盤鬱走虬龍喬木先廬在眼中明月漸高生夜氣  
驕陽未了見秋風堦篁愈淨如莊士墻柳先衰效禿翁  
謾有河東諸賦在肯將顛眴擬揚雄

贈陳縣丞子達夫遊廣西

西昌邑丞世偉人鳳雛超超殊不羣壯志終乘三汲浪  
高懷且看九嶷雲炎荒山水能來客盛世賢良際右文

見說故人知已在豈無大閫薦方聞

漢書方  
聞之士

中秋月暗和蕭字有二首

郭門望月碧雲涼  
雲裏吐吞和璧光  
永夜江山含道氣  
空庭風露帶天香  
有愁惟恨壺觴淺  
不寢偏聞鼓角長  
顧我孤生餘短髮  
請君一笑解離腸

搗藥姮娥古羿嬪  
深藏厭逐老天勤  
孤城涼角自吹夜  
萬里長風不破雲  
簾影蕭蕭殘燭燼  
秋聲渺渺過鴻羣  
少年呼月狂懷盡  
細酌無勞酒十分

春遊和徐錄判

錄事參軍姓字芳愛民曉出馬蹄忙千門春色歸桃李  
四海人才待棟梁蘭省清風催玉珮蓬萊白日飲天漿  
裁詩欲效瓊瑤報自愧全無時世妝

和蕭孚有午節舟中

槌鼓踏歌江水陽參差人影樹堤長百年佳節孤舟雨  
兩岸青山過客觴澤畔猶懷漁父問坐中幸少次公狂  
懸知北卷今宵月翻憶南風十日涼

登滕王閣

來往南州老一經登臨轉覺鬢星星  
戍兵晝守滕王閣  
驛馬秋嘶孺子亭  
舸艦北連章水白樓臺西映蓼洲青  
鵠袍多士誰能賦謾笑王郎筆意輕

古洪舟中

舊懷經濟今頭白猶與羣兒共往回  
豈有文章拘敝法  
無誰巖穴訪竒才  
秋風白浪粘天去落日高帆逐鴈來  
永媿東湖徐孺子  
柁樓三酌菊花盃

登金竹峯

一峯歸起何奇哉太古削成蒼壁堆  
四野雲開墟井見半天鐘動鬼神來  
山前戴景全消歇洞口朱陳自往回  
誰畫先生心似鐵秋風千丈立崔嵬

飲崔仁卿宅

崔世為軍官  
仁卿登第

燭出馬嘶人正歡滿堂急管與清彈  
紅袞偏勸少年醉白髮先驚暮色寒  
海內科名銷武伎坐中諧笑忌儒冠  
古來富貴須行樂却學唐人強自寬



送吉水葉教授歸金華

宗廟巍煌百廢修諸生濟濟異常流故家文獻見此老  
盛世絃歌遍下州字水春瀾明講席金華涼月弄歸舟  
方今天祿須才士浩蕩風雲萬里秋

和李長翁知事宜黃卷雪亭

亭久屬他人  
至是復歸

李氏園亭汝水濱百年喬木復回春雲濤不改當時白  
棟宇何知兩姓新鶴語已隨丁柱化燕歸猶向謝堂馴  
明年赤壁江頭笛吹起天風萬里身

蕭氏母稱壽宴客和蕭芳洲二首

春苑曾逢一角麟  
晚為隣巷灌園人  
百年頻醉瑤池酒  
四座誰憐白髮賓  
地縱勝遊宜入畫  
天留閒日足娛親  
蓬蒿滿戶無來轍  
時過東家洗渴塵

風流四海一平林

其祖安撫號平林

喬木參天繫客心  
燕子池

塘詩句好蒲花簾  
幕酒盃深  
仙人宴罷生明月  
公子歸來長綠陰  
為報閒居須續賦  
不妨徐起作商霖

曉起用麟孫韻

七月今年涼氣高  
墻東古木夜蕭蕭  
孤城殘月角聲動  
野屋秋風鷄亂號  
萬事惟餘雙短鬢  
百齡須用幾緜袍  
故人莫薦揚雄賦  
衰老難勝執戟勞

壬申中秋無月和國通姪

通仕至理問出  
為花園王氏後

數相看坐小庭  
老來逢節倍關情  
江城殘角雨千樹  
野郭秋風夜再更  
萬里新涼今歲早  
百年佳月幾番明

大兄詩句今猶在  
無復相攜賦夜晴

學耐兄蓋  
有夜晴詩

甲戌和蕭孚有見壽二首

少日曾期諸子先如今潦倒且樽前鬢絲夜雨窮東野  
城屋秋風老玉川自度新詞傳玉笛莫將舊事問銅仙  
文章星斗真何用但把長鏡了暮年

玉頰脩眉入繪圖自騎紫鳳衣霞裾佳時燒筍洋州畫  
長日臨流逸少書歲月浮沉羈羽翮風雲變化看鯢魚  
君家累世堆牀笏未可逢人賦遂初

和涂率修見壽

衮衮高冠盛玉堂牛衣誰復念王章百年風雨青燈在

萬里乾坤白髮長我懶惟應棲畏壘君才終許奏明光  
郭門東轉三泉美來往還能共酒觴

和胡履平見壽

閱世千霆復百霜空餘短髮白成黃君如劘刃千牛解  
我似車輪四角方城郭故人今雨散衣冠喬木有書香  
亦知人爵非真樂政久成都八百桑

和楊貫道見壽

學易未成先退藏鶴鳧非短亦非長文章底用追韓孟

富貴元應屬禹光已老不求方染髯平生惟有句成囊  
星辰劍履危朝露甘老秋風一草堂

和張伯溫見壽二首

憶昔青燈書滿牀如今八尺見身長故山共聽綿峯雨  
客館同傾鷺渚觴豪傑自應超世美文章早已帶天香

高門佳氣今如昨要繼陳家起盛唐

其居唐陳長史故居

蕭蕭短髮不重新老去何由復競辰百世光陰消鐵硯  
半山風雨語銅人病餘久看花成霧醉裏猶驚筆有神

浮世功名無念我相期早致日邊身

和蕭公著見壽

少年佳卉發春芒老大真如凍木僵  
天闕曉寒遺太白魯城夜燼見靈光  
嗟余學採雲根藥知子應攀月窟香  
學問無窮功業遠好騎駉駉驟周行

和王元帥赴廣東過快閣寄文同子

家世詞林舊子期旌旗鎮遠路  
遶遲金城老將三軍畧  
銅柱功臣絕域碑帳下風清環萬卷  
盾頭墨濕落千詩

梅花荔子多高致寄與中州故舊知

送蕭公著隨父入京

鄉帥蕭公百代名子孫奕葉更多英山河勝覽先蘇轍  
政事長書待賈生寶硯縱橫催殿對錦帆唱和記江行  
懸知祖帳南歸日細馬青緇出帝城

送瑞州歐陽公源之京師

復圭之姪

龍飛萬國慶清平衢室猶懸進善旌天下文章多賈誼  
山中儒宿起溫生相君位重開翹館令族才高待大明



好似故家題虎榜馬頭春色滿都城

故鄉夜坐有感二首

癸酉

諸兄棄逝有喬木病妻死別今空帷淒涼聽雨夜如此  
老大還鄉心轉悲風氣百年無舊俗江山滿日記兜時  
孤燈明滅可誰語援筆悵然還賦詩

南山之麓舊詩翁短褐蕭蕭不禦冬壯節癡慵消白日  
暮齡憂患謝歡悰文章無用空千牘氣力逾衰託一筇

喜聽五門新放榜九州才俊馬如龍

是年九月初放春榜

中秋陰雨

疾風掠雁不成行  
常歲中秋無此涼  
萬里陰雲圍野郭  
中宵落葉響迴廊  
蒼茫天地容吾老  
寂寞山林識夜長  
猶似姮娥未忘世  
天衢隱遶發孤光

寄壽永平主簿蕭克有

老呂相期二百年  
清風共濟洞庭船  
萬山原是丹砂國  
百里爭看白鳳仙  
海內衣冠懷舊德  
人生詩酒是清緣  
平反有政須頻報  
絕勝斑衣舞膝邊

和友人遊永古堂二首

流水小橋園路迂，虛堂午憩息徐徐。  
山空轉覺禪機寂，地勝不知人意舒。  
靜倚修篁聞鳥語，閒尋敗葉認蟲書。  
輞川金谷餘荒址，三兩園翁自結廬。

勝日偶尋山寺幽，老僧石鼎沸茶漚。  
市窮路轉得此地，人語聲輕在小樓。  
君似淵明來白社，我如蘇子說黃州。  
雪乾沙靜春晴好，出郭何妨更小留。

海棠和友人

嬌態偏宜夜燭看絳膚欲映曉簾寒雨酣虞帳千珠淚  
日轉仙爐萬粒丹華屋幽深來客異名花寂寞閉門殘  
請君浮世輕千變何惜佳時寄一歡

和蕭孚有閒居即事

天氣初宜小扇輕故人不至巷泥深水村鷺去千畦雨  
山郭花開四月陰愁裏有誰同細酌老來併欲廢清吟  
若為共息塵勞意行遍青原處處岑

和羅起初觀校場翦柳

治世衣冠立九天將軍語勇尚欣然元戎擁帳孤羆元  
萬衆圍風一騎先三箭鶻鳴軍盡賀兩行柳斷目無全  
鼓收人散成虜遠惟有牛羊縱滿阡

遊新淦塔寺

未信明時一士寒却從六合得茲山鼓鐘不了行人老  
天地無言古佛閒地迥樹林環掩靄雨多田澗互潺湲  
不知今日無登覽曾有何人此往還

荷花莊小留

城西郭門白髮人  
印峯舊隱歸重尋  
故人盡化青山雨  
古月長懸老樹林  
野廟鼓鐘春社過  
村家燈火暮寒深  
平生謬有相如賦  
老大何堪賣一金

和友人病起自壽二首

藥按常行鼠迹塵  
花枝閒結膽瓶春  
病餘不放吟詩樂  
別久重如識面新  
鸚鵡茶香分供客  
荼蘼酒熟足娛親  
與君共語如銅狄  
長作比隣還往人

池水春濃轉蕙光  
蒲萄新發過簷長  
許家丹熟千年壽

韋史詩成百世芳  
刺繡簾櫳鶯語倦  
讀書院落絮飛忙  
舫軒珍重孤琴在  
早晚還須奏舜廊

壽友人母

閒居能賦似潘郎  
夏枕生風碧玉涼  
天餉麻姑千歲脯  
春留瑤母九霄觴  
繡簾桃實丹雲熟  
粉院蒲花白日長  
須信高堂衣五綵  
絕勝萬里帶雙黃

辛亥上元雨和學翁兄

街鼓鼕鼕滿暮城  
年年風物自依辰  
欲穿花市霜生鬢

待得燈期雨妬人嗟我已應成散櫟念兄政復坐方輪

燭花故作垂垂粟尚喜先生句法新

翁時發長塘曾氏於郡城為密邇故

每上元與翁會更多於諸兄而慶和亦多

三月三日和丁教授陪拜黃堂三首

絳紗千炬促僊班兩廡峩峩峙竹頌天上黃雲嚴鶴駕  
人間紅日擁鰲山九州競進千秋鑑萬里如瞻咫尺顏  
與宴簪花沾下士應無後至立縣間

文武衣冠藹衆賢五更朝馬集鑣聯乾坤昌運重三日



海嶽懽心億萬年官柳傲風明翠輦簾花醉日麗華筵  
吾皇祝網多仁澤行樂無誰更擊鮮

閭闔東風瑞靄晴霞觴欲醉內官迎龍輿駕曉開三殿  
雉扇班春肅九卿露重碧桃低太液日高黃鵠下昆明  
書生無限封人祝遙想天墀頌太平

友人揚居所往金陵省忠襄公墓學士虞公送  
以詩壯鬱沉痛使人流涕因用韻為別次篇  
遠哀雍公以虞詩序及此故也

邊陲侵軼尋常事但恨朝臣少寇萊汴水殿荒秋鳥下  
金陵城落暮潮來忠臣遺廟長存祀異代詩孫肯一哀  
理權又為江海去不妨覽古更遲迴

窺渡驕兵凌采石撫軍使者出蓬萊東南國勢一朝定  
吳蜀江流萬古來諸葛八圖司馬走臨淮孤塚杜陵哀  
只今貴胄知天道奎壁光芒與漢迴

寄旌德宰劉粹衷

吾宗令宰才名好別後相忘已二年海內舊推晁氏策

江東今誦魯恭賢清臺日月資衡鑑紫筆煙雲發翰篇  
早晚考功催上最買船擬待字江邊

簡晏提舉

胸中至寶等隋和鞭鳳曾聞第一歌天地百年喬木在  
山川萬里宦途多詩成夜月揚州笛賦罷秋風赤壁波  
讀徹大編無一語低頭東野愧如何

辛亥清明日陪彭琦初黃用實八人同登螺山

瑞華用仲子尚文韻二首

小澗迴磻響石鐘意行忽憶去年重樓光納勝空千境  
山勢增高得萬松經案香銷風動塵禪房花落畫無蜂  
嘉禾橋外經行路惟有青山似昔濃

故人新句妙何陰一笑相看得會心勝日從來成邂逅  
老懷正復託浮沉山含萬古春晴薄水挾孤城霧氣深  
隨意酒家聊復醉暮歸未用典腰金

再用韻酬同遊諸公二首

聽盡城鐘聽寺鐘暖風扶醉覺衣重粥魚餉午催僧飯

酒榼行春酌墓松羈客得晴辭  
握馬歸人分路各房蜂  
簪花泥飲田間老我自不如渠興濃

萬古乘除陽復陰四郊歌哭一傷心  
天留世外羣仙隱  
地俯城中萬屋沉人影夕陽山郭迥  
野花寒食墓亭深  
古人飲酒元非達要勝崎嶇利橐金

又酬同遊韻

墓裏何人是可免生前當復喜  
吟詩百年風物歸雙鬢  
樽酒江山偶一時覓寺憑  
高人慷慨簪花扶路影  
委蛇

金定四庫全書  
卷四  
兒童能賦何堪喜正覺吾生已有涯

送郭可玉肇慶教授

萬里東風送驛帆  
大堤楊柳照袍藍  
已觀泰岱行天下  
要識梅花過嶺南  
才氣自堪供盛世  
文章元不是清談  
明堂禮樂須公等  
學掾遙知不待三

送袁從遜赴萍鄉州稅使

春深山路亂花開  
賓從徐驅候騎來  
要地車航通四境  
盛時闕市亦高才  
簿書未用妨山水  
氣貌終當重省臺

李鄭舊遊知近否杖藜攜酒試徘徊

和蕭可則

平生君我掇皮真閭里相望白髮新  
共似顏郎終未過誰疑郭解定非貧  
盛衰正可亡何飲還往寧妨見在身  
今世翹材須傑士會看代代對筆生春

送蘇學士

翰墨元如萬選錢雲霄橫鶩正青年  
宮花未試郎君馬門雪相看坐客羶  
已覺功名須命分定知學校要才賢

風鵬變化終難料，眼看青青九萬天。

送彭宜賓赴潭州學錄

盛年才氣自無雙，振鐸長沙佐泮黌。  
人物古來推楚產，文章天下說歐鄉。  
湘江春水雲山近，嶽麓秋風草樹蒼。  
豪傑功名須異路，定超天馬到長楊。

丁巳上元前一夕留飲蕭氏齋中和友人韻二首

香篆紫簾九曲盤，清樽對客語更闌。  
不妨小雨留人住，未覺東風到酒寒。  
絳燭繞廊春意鬧，玉笙連巷市聲歡。



文園元有吟詩渴更愛茶香透古端

樓外青山勢折盤春愁正在最高闌落梅門巷行人少  
細雨山城薄暮寒醉裏聞歌偏易感老來撫節強為歡  
戲拈詩句償今夕尚覺春風滿筆端

飲罷偶賦

雨中簫鼓滿山城節序偏供感慨增貪聽清歌行美酒  
不辭白髮看華燈粉登夏果明羣壁菜挾春風響碎冰  
却憶去年山水夜籠紗醉踏雪稜層

枕上再賦

十二胸中策太平敢從明世歎無成人方走馬穿花市  
我亦著書賦鐵檠午夜春寒偏到客百年節意獨闕情  
天機流轉誰能識明日千林看發生

元日和尚文韻

爐瓶得火自喧喧守歲何妨更不眠爆竹四傳知欲旦  
屠蘇首飲記它年破愁未許疎椰榼助煖還思買艾氊  
天運先從梅柳見向人偏自作清妍

送黃新之教古端

聲名疇昔重南州，又看儒冠理驛舟。  
要識海波窮壯觀，直尋石硯亦清遊。  
枕椰葉暗詩筇瘦，蕉葉花濃講席秋。  
帥府祇今須傑士，知君談笑幕青油。

題安成李氏秀野亭

人生役志是虛名，富貴誰言勝隱淪。  
數世衣冠前輩意，百年亭榭太平人。  
美花修竹隨時勝，流水青山繞屋春。  
今世恨無摩詰畫，不妨詩筆發清新。

遊新淦興善寺三首

不待前期偶出門，酒壺詩擔散郊原。  
樹連山勢高藏屋，路挾溪流曲抱村。  
老遇清遊偏易感，醉思往事了無言。  
此生定合重來否，細踏沙頭屐齒痕。

欲雨不成雲往還，筍輿穩載度禪關。  
青天四匝高峯外，白水交流亂畝間。  
經論已隨仙客去，佛煙長共老僧閒。  
竟忘栢子西來意，惟有溪聲送出山。

禾隴高低千萬區，野花蒼麥半蕭疎。  
山深木石含元氣，

地峻雲煙接太虛殿牖舊塵扃古佛山門遺扁認尚書  
茲遊似亦為天妬歸路蕭蕭雨滿車

張自翁有詩贊興善之遊用韻為謝二首

終日居山不見山却須高處共憑闌便尋惠遠覓方外  
安得孟君來坐間秋閨風微烏帽穩山深雨足白雲閒  
平生玉筍勞清夢為報先生一破慳

獨樂名園屋上山竹深縹緲見朱闌山林歲月羲皇上  
詩酒風流晉宋間列宿高蟠胸次濶奔霆不放筆端閒

金定四庫全書  
卷四  
一時唱和堪成卷自笑才情老更慳

再和曾學士

平生正自賦囚山尚有清遊興未闌  
勝日酒樽思白下西風世路笑黃間  
江山閱歷羣賢盡傳註消磨百歲閒  
嗟我與公當幾見溪橋來往未須慳

和曾學士見貽二首

求作刊樂府題辭集名  
秋山笛譜中多情話

囊有相如賣賦金笛中一曲可沾襟  
武夷夜裂千峯石黃鶴秋吹萬古心  
天上知音梅柳動山中懷舊歲年深

清平進調須君等不向明時嘆陸沉

風水霓裳妙可聽斷雲過鴈筆縱橫揚州社牧樓中夢  
淮海秦郎天下聲駱馬柳枝餘感慨沉香芍藥待才名  
從今伐梓供新譜流播梨園與妓營

和婁行所雪二首

眼看大地盡虛空元氣沉沉萬籟風仙鶴曉歸千載柱  
玉龍夜戰九霄宮人方羔帳歌初緩我亦漁蓑句未工  
破蔡騎驢俱有命燭花閒翦小窓中

盛年霞珮簸明珠坐愧前魚不泣魚歲晏多愁仍作客  
老來厭事未忘書君宜翰墨收功早我亦田園作計疎  
莫忘溪頭來往路筍山微雨水舒舒

上元次學翁兄

春似高人喚不來輕寒鐘鼓自相催年華未了供燈市  
節意聊堪託酒盃菜甲半存冰地裂桃花預約雨時開  
故園風物今何似惟有初心不受埃

贈蕭克有赴興國稅務



小駐青雲九萬程  
塗商里販樂寬平  
古來闖市多賢哲  
盛世舟車少算征  
雨漲玉虹灘石減  
春深金鯽郡池清  
看山攜酒吾曹事  
定有新詩許共評

贈胡履平偕克有之興國

主賓二美古稱難  
笑語輕舟十八灘  
幕有仁言官政善  
士從知己旅懷寬  
文章不肯時科試  
山水元須勝士看  
想見鬱孤吟賞舊  
渚煙汀樹滿毫端

和友人遊洞巖追用須溪韻二首

巖裏桃花千歲開  
巖扉無復老仙推  
萬山挾洞人間斷  
一瀑如川天上來  
古殿碑橫苔入字  
忠臣像老月窺臺  
平生歐尹神清興  
為約秋風更往回

雲峯彷彿畫圖真  
石戶深藏萬古身  
山水何知天下事  
神仙本亦世間人  
日高壇樹三門午  
雨漲源花滿洞春  
濟勝尋幽平日意  
天風吹動華陽巾

再和遊洞巖友人韻

白日行雲護碧巒  
使君應在最高壇  
江山有景待人勝

富貴成仙自古難  
夜月飛笙王母下  
靈風啼鶴石門寒  
眼前佳致不常到  
更愧嵩恒萬里寬

和奔元凱

五月輕寒到紵衣  
小牕坐數晚花晞  
清時有道微生拙  
白髮無情壯事違  
萬古成虧餘物論  
百年晴雨看天機  
知君已是蜚騰暮  
欲訪君平問少微

和王觀善賦弟觀光一覽新樓之作

一室高明眼界平  
東頭正可著難兄  
青山流水當書案

過鳥行雲落硯泓盛世無人憂會斂高才自古託耘耕  
蟹肥酒熟君當醉不用哦詩費度營

謁安成魏君壇留宿其下

一溪抱峽玉潺湲竒草幽花滿古壇千岫月明丹石去  
萬松風轉斗垣寒白雲可踏天垂屋老鶴不歸人倚闌  
定有吹笙王母下露淒夢冷欲生翰

網村道中

少日脩塗幾往回猶持華髮走塵埃江波滾滾晚風急

山氣茫茫白雨來十里陂田寒麥短數家野屋小桃開  
天機物理誰能詰且醉春醪淺淺盃

發洪州

童稚相催忽白頭西風滿袖古洪州重陽天氣村村雨  
殘柳人家處處樓樵牧忘機鴻北去古今無迹水東流  
卸帆旋買楓林酒飽睡歸舟十日秋

九日和鞠景中二首

秋風門巷馬蕭蕭佳節相看愧寂寥歲月蹉跎供客老

金史四  
卷四  
心胸壘塊倩誰澆九州子美猶能健千載淵明不可招  
短髮隣翁簪菊滿逢人猶記說前朝

少年共飲賦葦蕭老去歡悰日寂寥海內漸驚前輩盡  
風流更覺後生澆紀時尚有篇章在應俗還從里巷招  
坐想清時文物盛茱萸分賦滿中朝

重遊青原回途過清都臺和坡韻

門外江流萬里東青山曾識老仙翁百年容鬢東風裏  
兩岸人家落日中蠟屐平生須幾到桃花前度有誰同

文章隨意成千古草樹荒荒老屋空

上元留宜春羅氏一本卷

簾外行人曲曲迴雨餘跌坐聽溪雷語音未覺鄉風異  
山水何知此客來階鳥飛飛行小桁盆花的的照深盃  
兒童不負今宵好旋作紅燈掛落梅

遊青原山

百疊青松夾路苔白坡隱隱轉晴雷霧消萬瓦行空動  
鐘靜三門照日開石似祖師無語蒼山如處士待人來

古今湛輩消磨盡小倚危闌首獨回

和劉實翁

出門握手振塵裾妙語猶能破嘆吁陌上晴花吹婀娜  
牆東風管度喁于百年有酒春如許一笑無渠我亦孤  
山郭青青何處盡種松未可待金蕪

寒食和友人

二月微暄試白團得晴一笑未應難故人不至花頻落  
好句初成酒半酣郭外漁樵無世念墓門翁仲看人歡



夜歸坐聽瀟瀟雨自剪西堂寸燭殘

江上清明和友人

北郭山花開赤鷁東津榆莢作青錢大江萬里雲連野  
元氣千春樹接天豪傑盡隨流水去文章未許俗人憐  
感時惜別俱常事莫放清愁到酒邊

喜李伯英至自燕

輦路天寒雪沒靴朝雞夜雜扣牛歌五年相望高堂健  
萬里歸來一笑多獻賦未應慚大禮封侯終待取長羅

金剛四庫全書  
卷四  
緇塵敗線皆春色門柳新年已掃蛾

偶成

世事難諧似熱沙朱顏不駐轉年華浮生又聽山中雨  
勝日長看客裏花遠樹行人峯入畫春泥小卷燕謀家  
故人不隔東風外日暮吟詩寄過鴉

暇日至吾廬亭

小池淺淺落紅堆猶有荼蘼可酒杯種樹十年堪共待  
扣門一笑勝頻來楸枰坐久露危露紈扇晴嬉墮脆梅

為報詩人箋注苦暖風天棘薇堦苔

渡江

白沙青草接平皋水郭津亭繫釣舸晚市千家紅蜃動  
秋波萬頃翠鱗高江山如昨少年去天地無情客子勞  
一笑同舟屠販子俯船亦似惜霜毛

和友人小飲鷺洲

草樹長洲起夕陰談經人遠去鴻沈陌花幾見遺民老  
城鶴能言千載今明月大江秋入笛涼風萬竹客橫琴

却思少日經行處沙港揚舡五尺深

和友人遊青原

憶與諸賢共解驂重來扣策感羊曇淵明未了溪邊笑  
次律寧知樹下函勝地祇今供過客禪機正復入清談  
古今邂逅俱成佛試向廬陵米價參

送文尚志赴寧州判

天上清風起鳳毛貳州草草試英豪鄉人未老旂旄慣  
世故無窮閱閱高綠鬢朱衣生爽氣紅妝畫舸下輕濤

政餘閒品新茶味想見吟詩壓楚騷

燕

穿徑迴簷掠沼波語言擾擾竟如何形骸已外機心少  
天地為家客路多五月簾幃毛羽足百年巷陌子孫過  
廢興正爾渠何與一笑詩人費苦哦

和劉尚友題夏深道南齋

深道祖之父

曲闌橫檻秀無塵短卷脩琴澹可親草意欲供新得句  
桃花猶記舊來人江山有待天寧借客主俱佳筆有神

更愛屏梅丈人行要論高品不論真

九日同蕭煥有兄弟蕭安國陳誠伯彭天玉華

明胡履平涂率脩兄弟泛舟觀橋吉塘飲酒

橋菴順流而下登西臺寺城岡山復飲山亭觀先

朝所賜廟神劉誥封及硯泛月而歸和煥有韻

斜日千峯生纈斑憑高飲酒未知還百年寒暑朱顏變

萬古興亡白鳥閒野叟豈知酬令節

是日耕夫極多

高人從昔

愛名山回舟月色寒如水共指城樓杳靄間

老來詩興尚能豪  
九日登臨不憚勞  
山挾鷺江千里去  
人行鷺嶺九霄高  
蕭蕭掠帽風無力  
炯炯搖波月有毫  
更欲縱談歸意迫  
高城處處發蒲牢

和涂率修

出郭意行何所歸  
史家園裏得新詩  
野香一逕客稀到  
秋興滿山僧不知  
老愛故人鴻得侶  
愁欺短髮葉辭枝  
他年尚有經行約  
莫忘西門見月時

和友人吉塘橋

曾喚春舟不肯回，祇今兩岸縱徘徊。  
人隨飛鳥空中過，仙跨長鯨海上來。  
驅石勢疑秦迹幻，濟川事繼禹功開。  
偶然題柱寧慚老，笑倚危闌試一盃。

又和登神岡山

俯看人間漸漸遙，羣峯在眼不須招。  
大江平楚幾千折，老廟空山五十朝。  
野曠雲鴻風謾謾，天虛秋樹晚調調。  
誥綾賜硯傳看久，不惜歸舟月共宵。

又和涂率脩黃泥上塚



扶醉行歌日未殘  
遊人風致路人看  
山城天氣菊花早  
郭墓秋風麥飯寒  
得句何妨催落帽  
杖藜豈必遜憑鞍  
身名盃酒俱從分  
邂逅相攜勝素歡

贈何善積

撫州何時字了翁宋名士其姪大虛復知名善積大虛子

大虛相聞不相識  
今見其書真國琛  
豪傑不多留竹帛  
文章自古半山林  
故人狗監誰稱賦  
賈客雞林定賣金  
傳業佳兒今喜見  
五絃應可得嵇心

寄題龍興萬允善竹友堂

萬君隱居湖水灣樓前數竹勝滿山九州佳士誰可語  
盡日此君相對閒樽俎風涼琴不斷亭臺月冷鳳初還  
神交千載徐蘇近俗駕無勞此款關

十四夜月

乙亥

村家薄醪可醉歌瓦卮不用金叵羅世味真如今夕好  
月明何待十分多風來古樹疑微雨雲散長空湛碧波  
須信謫仙貪痛飲猶勝子美苦長哦

十五夜月暈

西隣邀飲夜初深  
四座能歌有幾人  
淡月外環清浪暈  
織雲亂布白龍鱗  
閒情常恐良辰過  
老境偏懷故里親  
雨足墻東丹桂好  
清芬亂藹一枝新

故居南山感興

涼風薄日滿天地  
團作人間一片愁  
衰柳馬嘶山驛晚  
冷菰鴈落野田秋  
呂安潦倒黃公酒  
杜子蕭條白帝州  
欲說舊家無故老  
杖藜默數昔經遊

乙亥留故鄉自壽

七十古稀今已迫回頭一一記兒時三生我豈後商隱

舊常夢與李商隱語謂余乃其後身

四海今無半子期盞斝有情聊暢適

文章無用祇娛嬉旁人莫比者英輩但好高山學采芝

贈曾伯璋歲晚歸重侍下

城陌鷄鳴夜又晨歸途纔遇柳條新科名興廢渾閒事

學業脩明見古人大雪千山文旆起東風三世綵衣春

詩郵來往應非遠要見窓燈筆有神

伯璋從余學有奇材遠識拔科可必

而遭逢科廢猶大肆力於學業歲晚歸省重慶時值大雪因賦此以別之

送劉高仲考試武昌兼柬龍仁夫

又聞隣省起髯劉，還共波龍學海遊。  
天下斯文宗白鷺，廬陵遺老尚黃州。  
孤羅誰擅三千字，雙鳥高鳴五百秋。  
後夜月明南北共，定知吹笛庾公樓。

舊嘗夢崔嵬若仙境者，樓觀肅然香氣襲人，得二句云：天懸桂樹三千界，人在梅花萬斛間。竟莫省何故，偶閒坐憶此，因謾以夢中所見足成之。己丑

珠簾坐捲燭花殘，殿上昭儀擁翠鬟。  
紅日牙旗明曉仗

青煙雉扇立仙班  
天懸桂樹三千界  
人在梅花萬斛間  
始信蓬萊司下土  
坐繙前史燭忠奸

春日故鄉意行和楊伯允二首

快士遊從不在多  
清言雅韻過雲和  
行春豈為花三朶  
買酒恨無錢兩娑丘  
水迹陳喬木盡  
兒童學廢古書訛  
臨溪未可輕相別  
藉草何因更共歌

鹿山山下水流多  
小扇輕衫令節和  
隔屋高花風婀娜  
半橋野樹日婆娑  
驛池水減蒲芽短  
山礪泥乾鳥篆訛

鄉里往還吾獨老喜聽隣屋晚絃歌

和高方大初度日登中華二首

仙仗臨風立翠華殿門詩容帽簷斜霓幢曙景來三駕  
麟脯天香賜九霞半夜川岩燈作市千年日月鶴還家  
宴闌閭闔聞恩語海屋新籌與壽加

到祠七十二雲扉倚視齊州一粟微萬樹挾風濤洶湧  
千峯倚漢石嶽碣銀河垂屋天如近瑤斗當壇夜有輝  
欲與浮丘談舊事瓊樓高處未能歸

送龔如逸赴南康學正

秋風千里送飛帆又獻儒冠俎豆間  
美教古來無鹿洞清遊天下少廬山  
美雛絲服三年別騎馬青衫一日還  
渤海家聲元有舊雲衢努力更追攀

和許山立見壽

兩袖秋風酒一中浩歌無復問窮通  
極知白髮形如木謾憶青年氣搏叢  
隨意文章逃俗謗可人談笑有君同  
平生最是鍾情處明月娟娟水館東



和彭叔和見壽

何必致身卿與陪折腰受辱始歸來  
歲年不禁衰容改  
天地猶容笑口開  
君似坡仙分鐵杖  
我如洛老託春盃  
郭門西轉青塘路  
却欠閒田種芋魁

叔和再用前見壽韻貽詩再和二首

里巷周旋得屢陪  
過門魚辱好詩來  
清如廬瀑千尋落  
壯壓衡雲萬里開  
佳氣長浮茅屋雨  
清風猶在菊花盃  
錢鏗歲月應分授  
籛弄明珠到斗魁

庭下萊衣曾共陪城西謝墅許頻來秋風白髮千莖短  
暮雨黃花一丈開雁背雲寒誰寄字蟹螯霜晚預持盃  
小春天氣無多日却報庭梅早試魁

九日蕭字有約諸賢登高遂訪青龍寺午至桂溪橋飲  
于小庵晚登庵後山藉草松下浩歌痛飲舉酒酌  
野墳又呼樵童為山歌行者屬目賦詩二首

朝尋古寺石齧屨暮上崇丘風掠冠狂飲眼看紅日盡  
高歌聲入碧雲寒亂峯猶作太古色野墓不知遊客歡

何必龍山為故事賦詩留與後人看

九日同登西郭野古人落帽我魏冠孤城雁過秋臺迥  
半嶺樵歸暮笛寒歲早黃花難早折年衰美酒強為歡  
山歌雅曲相和發驚倒行人注目看

又和同遊二首

引盃常在衆人先盃裏青青見遠天白髮偏驚人少壯  
黃花不管世媼妍長雲老雁如行客落木空山又去年  
欲喚八仙同醉飲酒中聊復託逃禪

金史四  
卷四  
隨意登臨處處過何須泰華與岷峨九州佳節吾生老  
千載清樽少者多晚日杖頭能一醉秋風棗下不堪歌  
鳳山此日荒涼路曾見黃花擁翠蛾

彭叔和和余九日詩次韻

共醉黃墟無呂安重陽誰與正紗冠百年風雨鳴蛩晚  
萬里江山老雁寒陶令淒涼無菊對杜陵潦倒奉人歡  
城西賴有彭居士來往真能耐久看

羅履貞同遊石洞

彷彿逃秦第幾源  
寒花流水繞溪田  
石門千尺闕元氣  
野屋一村開洞天  
高塚鶴歸忘歲月  
深山老樹識神仙  
與君共酌蘆泉酒  
小住人間五百年

是日履  
貞初度

丁巳人日袁本清邀諸公郊行次劉尚友韻

古來人日自難晴  
乘興招邀一笑真  
山寺徘徊頻避雨  
路車徐疾各行春  
連峯下瞰千家屋  
絕閣還空一世人  
花事從今當漸盛  
不妨來往更相親

次日再用韻

已雨猶留一日晴東風邂逅謁羣真

是日出城西北  
多入仙宮佛寺

江

山又見新年容城郭曾經百代春能讀殘碑猶我輩縱  
談舊事有何人夜歸未覺沙堤濕爐火窻書更獨親

寄題翠屏晚對齋

幽居縹緲出修林讀易焚香坐夕陰歸鳥不知元化役  
青山俱是古人心鰲峯雲散天如畫玉峽風來樹亦琴  
用世驅馳成底事始知一靜抵千金

送曾韞暉赴京任檀州學正

芳年儒正紫貂裘北出都門亦壯游五季山川分漢界  
太平學校過檀州禁楊拂籜黃金色泮水通城碧玉流  
寄語向來勒碑容筆錐倘可到封侯

壬子八月十四夜對月

萬里輕陰晚忽收天公有意作風流今年對月又為客  
明日無雲始是秋多病情懷成老態早涼天氣似中州  
少陵兒女痴何似共景懸知不共愁

十五夜再和二首

銀河垂屋夜氛收，卧看長星一點流。  
萬古塵勞餘好景，四時風致是中秋。  
天懸海外三千界，月滿人間幾百州。  
殷庾升沉俱不見，即時有酒未須愁。

林下盃盤夜未收，尊前何必盡名流。  
人生快意元輕日，客裏中年最感秋。  
酒滿恨無歌赤壁，月明閒聽說揚州。  
故人只隔行雲外，剩著新詩寄四愁。

送趙光遠道州寧遠稅使

故家喬木鬱衣冠，小試司征第幾班。  
鵬翼未搏千仞外，



馬蹄初踏萬山間，門當遠嶠花連屋。  
縣接清溪水遶關，詩課書程應不減。  
東風早送錦衣還。

憶鳳二首

舉世堂堂福祿人，哀門釁咎獨何深。  
學違素志元安命，老哭才孫最損心。  
暑載漁舟翁挽柩，夜歸僧屋鬼同林。  
庭前檜竹陰陰在，陳迹如今豈可尋。

清姿方頰兩眉揚，從我東西近我長。  
諸子誰能高意氣，十年却悔學文章。  
眼前言笑疑生死，篋裏詩書半在亡。

坐愧太丘真有德賢孫迎客立成行

送宋趙儀赴貴德知州

秋風千騎擁旌麾畫角高吹出塞詩  
綠水山川唐國界朱轡人物漢官儀  
信知懷土非男子更覺專城貴壯時  
三葉郎官人白首向來顏駟有誰知

次韻蕭上舍仁叟賦杭州舊遊

帝城鐘鼓雨初晴御柳春煙繞禁青  
萬落湖山天遠近百年歌舞夢酣醒  
別離共歎秋雙鬢興廢惟餘月一庭

寄語遺編須愛重清時要聽伏生經

和學翁兄

以下多前至元  
戊子己丑間作

晴閣題詩初振袂暮山聽雨更懷家功名有分可通袖  
變化難期本算沙無地早栽他日樹有愁偏見客中花  
衆緣起滅從來妄欲掃塵埃看法華

和孚有

山雪半消如白衣樓高病眼眩離離微鐘雨濕依林麓  
飢鳥天寒下水涯潦倒醒狂那敢醉蹉跎晚合政如痴

十年聚散今成又長憶江頭共立時

和劉咸吉

飢鳥翩翩欲下池天寒籬落雪消遲  
一年又向清談盡此士能令終日思  
江水送人驚草草山雲催句助竒竒  
春深故里桃花路準擬掀髯讀寄詩

新年簡彭琦初

今日新年春意動梅花一片隔溪飛  
樽前風物年年改兵後衣冠處處稀  
樂意百年能幾遇故園何日與君歸

昨朝擾擾成何事惟有塵埃滿素衣

題蕭將軍廟次歐陽山立韻

蕭將軍廟在吉文山中碑無名字但

載其提兵五萬  
逐寇一日俱死

將軍汗漫化人城猶得遊人小隊行  
海上田橫從有士山中鄒湛竟無名  
東風亡國何曾戰上日空江幾度晴  
杜叟粉陰耆老在陌頭過馬訝昇平

次友人花朝韻

此日晴暄自不多  
憲明遮隱有雲過  
山深聽雨人猶卧

病裏逢春意若何四海交游無古道百年風雨得狂歌  
東林草木多生意飛杏青青過薜蘿

中秋留故居兄弟對月分韻得多字

棘院功名風雨過柴門兄弟月偏多分詩莫作中年語  
對酒何妨壯士歌老桂欲花先撲袂長空無籟淡橫波  
却思高館吹簫罷卧聽蕭蕭雨打荷

丙子歲除夜坐過半

長街鐘鼓未聞聲驅耗誰家發小鉦世故千端人鬢改

天輪萬里歲功成  
燭花似報明年喜  
酒味聊供晚節情  
七十古稀欣尚健  
戲拈彩筆覺春生

新年

丁丑

閭巷重逢後至元  
却思丁丑亂離前  
藏家雪案三千卷  
閱世霜髯七十年  
枯槁恨無元亮酒  
衰慵不著子雲玄  
憲梅剩作新年意  
頗覺三生有宿緣

春雪

開歲雨陰連十日  
雪寒兼與舊春同  
乾坤半落窮荒外

樓閣橫陳淡月中  
瑟瑟松篁山屋夜  
疎疎鼓角郭門風  
梅花慣與清寒敵  
却喜羣英未放紅

雨中出郭訪友

驟解冬綿復用綿  
江城二月社寒天  
野桃漠漠一村雨  
山屋冥冥半塢烟  
燕子未歸風滿面  
馬蹄不度水生川  
惜無濁酒供清興  
但把新詩答暮年

次韻龍文璟送蕭公著省親池州二首

楊柳津頭送客行  
楊花滿路蕩春情  
江南覽勝重湖大



男子從親萬里輕錦舫浮春宜麗日綵衣趨郡及清明  
巖君問訊煩多道要借光塵保至清

螺川日夜向東行不放思親頃刻情珍饌遠移榆滄美  
錦帆順逐柳花輕山圍吳楚青春濶天泛江湖白日明  
好向芳年供世用直陪鴛鴦立西清

清明和李亦愚

煮茶閉戶看殘編風味淒涼似玉川春到名花偏久雨  
人逢佳節恨衰年棠梨野館輕寒燕楊柳人家薄暮烟

新水夜來生郭外麥畦桑隴不論錢

送周儀道往池州謁蕭經歷

三月江南湖水平周郎理棹舊知津古來多附青雲士  
秋浦今看白玉人燕子拂波江驛曉楊花撲面拖樓春  
老親不管離憂苦準擬秋風薦鷄新

和彭天玉雨中牡丹

待得名花值雨寒橫斜粧淚洗鉛丹霓裳仙子泉初浴  
碧袖宮花唾不乾絕色從來傷命薄好春不肯借人看

鈍才難續酥煎賦三嘆君詩似鏤干

次韻龍文環宜遠樓共飲

草樹連洲互短長倚闌搔首感行藏  
萬家樓閣浮元氣千載城池閱夕陽  
坐上笑談形獨槁向來歌舞夢猶香

宜遠

樓舊為歐陽巽權燕飲歌舞之所

公墩我屋俱堪醉寓意何妨學列莊

壽蕭熙績

藥鼎丹爐不試煙繩牀塵尾似行仙  
山林猶見貞元士天地重開絳甲年  
竹簡滿堂供老讀芷花千斛著高眠

旁人却怯醜顏故不是稽山棹酒船

壽蕭熙明

高樹清流四敞軒棋聲永晝不驚蟬  
八千戲玩春秋海  
五十何知富貴年羽扇風流天下士  
藥壺瀟灑地行仙  
壽觴不用人間釀夜泛荷花露滿船

壽袁恭甫

先生無酒自顏醜笑擲人間玉叵羅  
金谷樓臺隨地勝  
銅人歲月入詩多鄰翁重見三千履  
時遷薊城胡尚書舊府春色

分藏十二窩為問東瀛消息好青衫催染楚江荷

庚午春大霰戲作

海風吹雨旋成堅簌簌瑤瑤亂耳邊  
一夜白雲俱在地九州洪水復滔天  
已知世上無此潔誰在空中作許團  
若借齊奴供買妾不妨列屋貯婵娟

上巳晴和劉志霖路教

春色蒸人暈肉紅小盃初許共東風  
過時不賞花薄命久雨得晴天  
有功歌舞豈知蠶市過升平應在麥畦中

詠雩童子今俱壯不怪鬚髯蚤似翁

寄友

省吾堂後黃梅落大雪樽前倚紫絲  
近會匆匆愁更長  
暮山莽莽笛孤吹揚州他夜帆歸好  
崇福看花馬到遲  
露下空庭談語絕偶然入興一題詩

挽周耐軒總管

夢裏諸公歷歷存夕陽懷抱與誰論  
江河春色流天地  
城郭居民有子孫過馬時來廷尉宅  
敝裘欲老故侯園

桐鄉遺愛依然在風珮應歸月下魂

輓趙學聖

程雪樓銘  
子昂書

曾從羣彥識堂堂今作哀歌寄白楊異代風流存寶玦  
暮年出處重銅章裋衣猶起鄉人敬白髮閒看世故長  
柳墨韓碑真不朽槐陰事業屬諸郎

輓洪菊潭

喬木江南可幾人君如杞梓秀儒林一鄉自重文翁化  
匹士能行后稷心道軌異同人百代經畬殖落意千金

只今耆舊凋零盡白髮秋風淚滿襟

輓劉子清

人才從古混泥塗世論安能定智愚一語全城青史少  
千金散衆俗間無管蕭無位虛長算絳灌成功本匹夫  
見說誄文餘四十寶珠定慰墓中枯

輓饒玉甫

盛朝有志展才賢晚歲逃名託妙玄方外成功偏及物  
古來策士每成仙

嘗赴都陳言

書臺花好春隨屨詩屋雲空



夜語泉未信經綸虛一世不妨銘此寄千年

輓瑞州伍興甫總管二首

豫樟連抱起微苗雨露涵濡託聖朝冶鐵丙君雄郡國  
以鼓鑄興吹笙秦史立雲霄松滋學子千年廩洪浦行人萬  
古橋能救民飢希富范恨無仙道繼松喬

湖海成名范蠡船鬼神受役尉遲錢門開鐘鼎三千客  
身閱雲泥六十年智士經綸無槁項盛時意氣即飛仙  
柳枝駱馬應猶在松栢春風綠遶阡

賞梅和劉景行韻

淺淺韶光淡淡梅新年笑口偶然開佳時風物宜詩句  
老境情懷託酒盃天地回春如有約明時用世愧無才  
伏生九十知猶健倘有求書使者來

景行年九十

龍文環和余韻次謝并簡漢英

二妙能詩舊有聲笑人筆退似聞鉦黃金蘇子游偏遠  
白首揚雄宅未成共信他年終用世相逢一笑豈無情  
梅花池上先春發穀穀微風殘面生

七言絕

題京兆圖後二首

谷擁般函水注豐銅人草樹幾秋風山河萬古原如昨  
歷代成功自異同

連雲宮闕照南山遺址荒荒白鳥還百代英雄何處去  
空遺尺紙在人間

題明皇並簫

青鳥西來太液池霓裳舞影落瑤墀並吹玉管同心調

惟有姮娥月裏知

題張敞畫眉

京兆春風到柳枝  
翠簾縹緲遠山奇  
梁鴻亦有齊眉樂  
不要人間黛綠施

遊新淦興善寺和彭自強三首

山風閣雨帽簷斜  
墟落秋陰菊未花  
豆葉鳴蛩行客迹  
槿籬吠犬野人家

流水琮瑤響澗磯  
棕花芋葉與階齊  
木魚晝靜山僧出

獨遶脩廊看舊題

紅葉山門半掩秋  
寺童不悟客清游  
楞嚴滿案無人誦  
庭下黃花一葉留

宿荷花莊

晚宿山莊待雨晴  
夜深雲弄月痕明  
茅廬四面溪田遶  
半是蛙聲半水聲

乙巳上元日晚入城

鞞屐鏃鏃踏亂冰  
笋輿寶馬出縱橫  
城中三市紅燈動

江外千峯白雪晴

題蕭孚有為羅履貞所作蘭竹圖二首

劍葉緗花萬石間無誰可共此幽寒湘纍紉盡秋風佩

未必曾來月下看

卷中  
有月

岩笋橫斜出穉龍林梢偃蹇受清風歲寒石友聊堪共

未許山王著此中

卷中  
有石

題畫江濤

人心不是巫瞿峽下筆奔騰起怒湍別有一初真止水

無誰肯畫與人看

題李鶴田穆陵大事記後

宋自穆陵升遐元氣盡矣時攢宮屬

官李珣紀其本末頗詳橋山劍舄歷歷如見異代覽之亦為淒然李吉水人號鶴田先生此本今在廬陵羅祖禹家其子中行以示余余因用鶴田先生陵下元夕韻以

志感  
慨云

陵寢巍峩十二闌西興吹角浙江寒老臣無限遺弓淚

寫與人間異代看

蕭氏文會堂羅漢栢二首

秋風滿眼古人稀  
虛館重游老愈衰  
惟有亭前雙栢樹  
昔年曾見往來時

葉修如柳色彌正  
榦堅似檜身難長  
莫嫌生世春風少  
歲晚相期傲雪霜

題劉侯所藏十八學士錫燕圖

天策諸賢佐大功  
一堂密勿古人風  
當時上下同心處  
只在從容錫燕中

癸卯元日晴繼復雪亦不廢出穀日復晴歸鄉



途宿上元觀燈野廟隨所賦得十絕

鐘鼓籠銅報曉晴  
殘燈曙色近簾明  
老來最憶兒時樂  
拜罷新年處處行

燭痕點點墮紅銀  
香影明窓綴曲藤  
春帖自題還坐久  
梅花瓶水漸生冰

市門處處繫冰花  
燈影蛾雲動絳紗  
走馬城中三日雪  
不知春已入誰家

朱門日日泊高車  
陋巷冰枝積寸芽  
春色不隨人意薄

夜來潛到小瓶花

為山人日馬蹄忙懸勝輕寒前前黃閒笑梅花無媚骨

至今不洗壽陽妝

廬陵城中人日士女多游為仰寺

杖履新年第一行江山殘雪畫初成春風歲歲藏何處  
又與人間作晚晴

聯袖吟詩不計程暮投村店屢占晴霜濃睡熟無人喚

誤待城頭畫角聲

是日自城歸遇學翁兄同宿于途

雪後喬松旋作青村家沽釀白如銀山中未見新年歷

閒剪桃梢試立春

綠麥黃梔染繭絲紙旂戲鼓祭叢祠少年風物今仍在  
別有傷心人未知

驛門北女賣蛾兒水屋紅燈出樹枝鄰笛孤吹春未動  
一簾微雨似秋時

惜春

西郭桃花蜀錦機東池楊柳越娥眉少時不惜春光好  
老大逢春意始悲

江行春望

萬里春晴萬里風，輕寒漠漠晚推篷。  
江邊篁竹馮夷廟，一樹桃花盡意紅。

贈李福元賣書作墨二首

經筵午茗坐白虎，詞館夜燭分隄廩。  
人間書墨非無用，澣統天寒我自知。

秋風落落拈書賣，白髮悠悠被墨磨。  
莫向朱門痴坐久，小簾歌罷掃濃娥。

題松石圖

受命大夫曾斲節  
誤恩三品亦蒙譏  
何如山谷閒松石  
閱盡興亡與是非

題濃淡竹

遠看如淡近看濃  
雙立亭亭傲晚風  
俗眼未應輕揀擇  
此君清致本來同

鄰有廢屋久閉金沙  
一枝忽穿屋山而出  
衆為驚顧然亦竟無  
一賞者

古屋幽花閉不知，忽穿碧瓦怒橫枝。  
辛勤自致高堂外，却得行人立頃時。

炯炯花紅立斷烟，終無把酒為渠憐。  
東風闌檻金鈴護，未必真能絕世妍。

元日

曉街泥淺馬蹄過，元日雖陰氣已和。  
處處桃花如二月，東風應比去年多。

五日

中年懷抱漸無矜節序蹉跎半客中案上離騷今不讀  
一窓清夢卧南風

乙巳五月過瀘江

抱田曲水走脩蛇溪勢如鳴萬疊車山雨挾涼閒客扇  
渚雲分暝失人家

城歸途中春暮野陰風物蒼然

津橋半斷水如雷屋角古墳青草堆三月荒村春最慘  
萬山微雨棘花開

新淦道中二首

道中老人舊相識，怪我重來鬢似戟。  
江橋流水今種田，手記垂楊添十尺。

沙坊江上海棠開，紅錦漫漫圍古臺。  
死後有花不能看，生前還解看花來。

庚午春夏閒居即事五首

閒居山郭閉柴門，過雨踈花弄晚晴。  
萬疊松筠春遶屋，日長敲枕聽鶯聲。



老託園林困雪霜  
橘株病悴蕙枯黃  
荼蘼獨擅春風力  
無數新花出短牆

桃花梨花爭滿園  
金沙玉棠蜂鳥喧  
少年看花夜載酒  
老子看花春閉門

雨前種苜一兩畦  
雨後柔脆堪作糜  
荒年不識瓊酥味  
日晏三咽甘如飴

門掩薰風小小齋  
紫薇幾尺正當階  
誰言省掖偏宜種  
偶落山林亦自佳

謁蕭定基墓二首

至元甲申余客九岡暇日從蕭瑞叔諸友過  
澁塘謁侍御史蕭定基墓讀王荆公所為神  
道碑至順辛未八月六日重過其下則碑字  
多為樵牧所傷圯剝不完俯仰四十八年感  
慨係之

故舍江邊短麥畦少年履屐幾徘徊當時良友今安在

滿眼秋風我獨來

故舍所  
葬地名

赤嶺虧剗白水奔江濤高處復為田古人不見文章在  
皓首耆碑意惘然

戲贈吳存道煉丹

十二春樓燕子風  
主人鍾乳借顏紅  
何如買取吳家藥  
長與姮娥住月中

乙巳歲晏連雪和學翁兄三首

半月山家雪滿門  
芋畦菜圃淨無痕  
呼童高斲梅花凍  
日貯煎茶水一樽

天寒絕粒閉柴門  
曙色滿窓疑月痕  
起掬大荒澆渴吻  
恍然氣象似窪樽

庭雀啾喧下竹門  
冰花萬疊弄新痕  
歲除一雪奇如此  
但恨無詩無酒樽

題牧童騎牛圖

山中無古亦無今  
牛背敲眠老樹陰  
若使讀書如李宓  
豈無機事到渠心

題僧枯林蘭

短筠峭石共清妍  
筆裏幽香九畹傳  
夢到高僧檀蔔國  
覺來身在畫圖邊

題春江烟雨圖

春樹蒼蒼白鳥飛  
小洲茅屋遠依微  
一川烟雨無人渡  
坐看漁舟晚獨歸

題錢舜舉畫馬用尚文韻二首

馬與牧者背馳

東風駑駘滿帝里  
顛倒奚官獨如此  
臨衝未可輕一鳴  
伯樂死矣世無耳

芻豢區區困騎奇  
回頭不受帶羈施  
畫圖尚有飛騰勢  
未信當年買骨癡

題寒汀小雪二首

幾樹蕭蕭疎密雪一汀澹澹有無烟江空雁落寒如此  
只欠吟詩孟浩然

天寒老檜濕模糊沙上漁蓑一個無倘有羈人歸未得

定應誤認白頭烏

有數烏白頭  
借用燕丹事

橫石渡候舟有感

沙邊一樹誰家李歲歲逢渠白作堆滿眼青山衣袂濕  
又隨春雨過江來

初秋和友人韻二首

高齋風竹夜幽幽  
病客無憊早覺秋  
華髮半簪燈一點  
著書執筆笑何休

樓上窓扉面面開  
青山未接大江隈  
迴風一颯飛花住  
萬丈晴空白雨來

再和

已將壯事換清幽  
坐見高槐六日秋  
佳客不來吾亦睡  
清風吹竹息休休

漠漠秋陰未肯開  
淡雲疎雨滿山隈  
與君共熟江頭路  
要待他年夢裏來

午慵

春步時傾花下酒  
午慵却放案間書  
倚窓貪聽溪流急  
篔簹竹翻翻雨入裾

倚樓

留滯孤城又晚秋  
懷來真倚仲宣樓  
青山東下連瓜圃  
坐看耕人晚未休



客夜秋風

清夢初回心似水紅塵未了鬢生絲  
高風捲地干林語莫忘南山聽雨時

春晴二首

春暮無人到草萊茶蘼如雪過牆來  
倏然閒憶人間事野鳥窺簷夢自回

西園梨雪遠如天白水鳴田亂不分野  
客逢春無一事獨尋幽草坐看雲

城歸途中

疾風山際兩三騎殘雪回頭無數鴉  
一路水泥行犢迹  
隔溪篁竹護人家

陪艾幼王郭逢春諸公郊行二首

家家牆短花自好日日春深人不知  
行過小橋還酌酒  
坐看流水却成詩

向日一出花未開  
今晨紅減白皚皚  
九州八極春色好  
年年村落看春回

晴嬉

晴嬉逐隊未應稀  
芳草誰家驪  
裹肥人散酒醒成  
獨感  
倚闌看盡白雲飛

題秋日江村圖

黃葉秋風赴蹇驢  
平洲遠嶺雁相呼  
野舟盡日閒無用  
只與人間作畫圖

贈墨客羅德輝三首

老李烟煤後代尊  
一生流落價難論  
向來貴賤真堪笑

車載街頭漆寺門

漢館隄麋千載重  
魏臺螺石四方崇  
世間真偽誰能辨  
貴在當時出殿中

老屋秋風絡緯啼  
寒膠萬杵搗霜遲  
只今天下無真墨  
重見潘郎世未知

題羅宗仲所藏水墨古樹圖四首

枝如騰龍攫雲外  
根若伏虎蟠石間  
蒼茫欲與元氣合  
萬牛不動安如山

大株枝斷削如鐵小樹葉茂濃如雲人間霜雪來未已  
貞脆當從晚節分

古梢絡藤霧雨注長根竄石虬龍奔山邊新樹雖好在  
俯視僅可同兒孫

太陰泱泱萬古雪元氣淋漓千尺絲豈無仙人食琥珀  
吹笙夜踞蒼龍枝

對花偶成

芍藥花前閒日坐海棠枝下醉時眠自今歲歲窮心賞

已負花開四十年

題宮中所掃除棄餘

宮中每日所掃糞必待宮官點視而後棄

承平宮禁無他事  
檢點猶能到棄餘  
天下豈無當念慮  
君王用意定何如

題李陵宴蘇武圖二首

居延山下馬成羣  
伎樂聲高夜入雲  
初志消磨如衛律  
殷勤致酒教蘇君

屬國難酬白髮郎  
延平誰與吊沙場  
隴西使者如雲出

却要迎歸右校王

開歲六日游仁能寺

郭外櫻桃已亞枝  
寺門獨立幾多時  
詩人堂下春寒淺  
時有居民借絡絲

重涉瀘江二首

立沙稍稍行人聚  
踏水悠悠去鳥雙  
回首十年來往路  
祇添華髮照寒江

渚籬漁網懸秋日  
山寺人家起夕烟  
欲共故人評好句

金匱四庫全書  
卷四  
微風吹袖水痕圓

贈曾維新工篆章

風吹鐵筆雪珊珊篆法推尋古意還老去姓名誰記憶  
若為鏡刻得人間

題羅稚川小景

小樹敲風老樹枯前汀暮靄半模糊騎驢人指高樓去  
不識渠家可宿無

淵明臨流圖

一童攜琴一  
張酒一壺



三尺枯桐一斗壘秋風  
曳杖偶徘徊不知當日臨流意  
四海何人與共來

蘇武持節圖

朔雪漫沙幾白羝  
嚴風吹凍滿氈衣  
少卿駝馬彌山谷  
何似中郎一節歸

題枯林蘭

僧號枯林

細花幽幽隱道韻  
劍葉披披吹曉寒  
城西四月好天氣  
時過高僧有畫蘭

和趙子昂寄馮海粟二首

長沙易中卿得此卷揭曼碩有和易復索余和

古今翰墨散如塵  
晝夜荒荒走兩輪  
莫說鍾王今不見  
湖州學士白楊新

老粟清名雪作宮  
揭家健筆驥追風  
閒思海內文章士  
敬枕蕉花細雨中

王笥山中有白鶴花頂翅宛然類鶴  
王蘭友作  
詩送至用韻二首

縞衣玄爪立前除  
天上人間剪紙糊  
除却青青三四葉

月明滿地却全無

千載蘇仙上帝鄉空餘琪草似人長夜涼環珮不知處  
夢覺滿山風露香

鄰家舊有牡丹久移植荒園詩以訊之二首

十二闌干照日妍此花籬落故依然主人不待姚黃看  
寒食東風又一年

野蔬采采蔽蔽葉惡蔓離離蝕朽根草木升沉春不管  
人間可獨有長門

和蕭克有主簿沅州竹枝歌七首

人生結交莫如月  
人生行路莫嫌熱  
熱當三伏易癡秋  
月能萬里長隨客

沅人健飯無盤蔬  
沅土多熟無雞蘇  
官船自有龍鳳茗  
試寫松風斑鷓鴣

沅陽江石生波濤  
南風吹起十丈高  
勸君上灘牢把柁  
須要一篙勝一篙

一州一州木有枝  
一江一江水可炊  
北人奈事不怕險

南人多情易思歸

十月天寒買團蒲五月天熱水可沽窮道隨時不可強  
富貴有命何悲無

山州多江水如烟篙師不耕船如田江流避石還易去  
船行著篙還易牽

黠胥取利如斧樵苛法銷骨如膏燒官規難減實希稅  
縣政莫急蠶人徭

贛州廖氏雲錦亭四首

義取坡公掃却天  
孫雲錦段之句

老仙妙語落人寰  
千載江山未許閒  
亭下荷花三萬頃  
疑公猶在往還間

小院疎簾四面垂  
卧看千載葉間龜  
天孫為織秋江景  
付與年年作好詩

華亭翠瓦水邊家  
珍簟焚香淺試茶  
夢與齊奴同富貴  
小舟夜宿最深花

萬柄蕭蕭浸玉虹  
夜深銀漢在樓東  
世間風月無人識  
長在羅紈綺縠中

題墨梅二首

歲晚江南霜雪天一枝玉立小窓簷古來皎潔人多少  
受命風埃未可嫌

紅紫相推獨作魁風姿如雪照人開如何愛近含章額  
誤染眉間昨夜煤

寒食

鳥語東林萬竹脩輕陰漠漠意如秋高齋寒食梨花落  
敲卧書牀看水流

上巳獨坐三首

蕭然門巷野人家山鳥行階啄草芽  
上巳焚香看易罷  
白衝微雨整幽花

春城車馬似長安  
預恐名花一日殘  
鄰屋玉笙吹徹夜  
閒庭危坐牡丹寒

春晚無惊放酒卮  
藥爐沸似雨來時  
柴門書閉庭花落  
時有山僧問近詩

秧老歌五首

效王遵體江南農夫插秧上下田  
長歌相應和其詞似竹枝而淺直



三月四月江南村村插秧無朝昏紅妝少婦荷飯出  
白頭老人驅犢奔

五更負秧栽南田黃昏刈麥渡東船我家麥田硬如石  
他家秧田青如烟

昨日田秧亂如毛今朝南風搖翠濤甕頭濁酒莫厭盡  
厭酒盡時秧又高

春寒風雨來滿川牛蓑走遍東西阡郎君騎馬莫問渡  
江頭自有官渡船

前年東家得早禾去年西家粳稻多我家今年定何似  
努力耕作無奈何

哭蕭孚有七首

孚有方厓御史之季子少甚穎異從余游其  
為詩短篇高古幽淡追逼韋王長篇豐贍逸  
宕別有風致皆欲與古人爭衡至元三年丁  
丑七月一日病死士友傷之以其有才而未  
著其可憾如逢原毅夫九月九日余  
既送殯城東歸途賦以寄慨感云爾

去年九日共登高絕嶺長歌意頗豪今日送君誰共哭  
一間殯屋大江皋

畫圖摩詰神情遠詩律蘇州意句清身後生前千古恨  
荒荒白日下高城

水檻蒲萄裊裊垂方牀卧病語移時如何一日纔踈隔  
永別終無見面期

敦夫短命世同悲伯道無兒天不知白首慈親髮髻妾  
一船微雨哭麻帷

文會堂中碧樹柯評詩賭酒客頻過如今深鎖秋風滿  
想見階苔日日多

翰墨周旋二十春  
莫年卜宅遂為隣  
永新門外雙松樹  
無復相攜踏月人

螺湖橋外草如烟  
螺子山前水接天  
應有故人來下馬  
愁雲深處是新阡

詩餘

滿庭芳

次韻賦萍

碧唾成花翠璣浮  
霧水邊裙影知誰半  
溝未合脂水過  
生肥小扇迎風試  
拂翩翩去還復差  
池憑闌處怕伊貪

見見了却忘歸  
橋西青不住乳鴛行破一瞬淪漪看  
踈如有恨密似相依元是情根種得更千古欲盡何時  
重相約章臺春膩還上最長枝

西江月

偏是一春憔悴被人閒賦陽臺扇遮微雨傍牆回花信  
餘寒柳外 繡果未成雙荔打鴉摘盡新梅暗占蝴蝶  
却飛來睡起斜陽猶在

憶秦娥

初見  
桃花

春愁淺窺人忽見桃花臉輕寒初透小窓猶掩 東風  
裙濕湘波颭相逢處處如人面劉郎老去怕伊重見

謁金門


春睡倦自揀花枝行遍昨日新紅今日變細揆將袖染  
翠扇迎風撲面雙燕飛來還轉簾外楊花簾裏燕相  
逢如未見

青玉案

和友人  
壽席上

春來十日春多少扶路金釵試燈早旋剪壽幡飛蝶小

東家垂柳西家明月風物年年好  
種桃三千今餘九  
誰道桃花笑人老萬事浮雲如過鳥  
浣溪佳句柴桑新  
酒天地何時了



桂隱詩集卷四



桂隱詩集跋

先生平生詩文流落過半少年所作多經諸老評泊以  
為高逼古人今皆不復序於前者謂其不待序也觀者  
必自能識之文見陸續刊行今先梓其詩十四卷至正  
元年春仲日進士門人羅如篪宗仲謹識

